



Aningaasaqarnermut Naalakkersuisoq

Ulloq: 1. juli 2022
J.nr.: 01.31.06/20-00985

Aningaasaqarnermut Akileraartarnermullu Ataatsimiititaliap pingasunngornermi ulloq 29. juni 2022-mi aalajangiineranik Naalakkersuisunut ilisimatitsineq.

Nuummi angerlarsimaffeqanngitsunut misileraanermik aaqqiissutip atuutsilernera. Ataatsimiititaliap suliaa nr. 01.31.06/22-00985.

“Naalakkersuisunit **inassutigineqarpoq,**

konto pingarneq 80.00.01 Nuussinissanut sillimmatit-ni aningaasaliissutit, suliniut nr. 80.800 nuussinissamut sillimmatit 2022-mi 0,5 mio. kr.-nik annikillisinneqassasut, aamma

konto pingarneq 83.30.14 Angerlarsimaffeqanngitsunut iliuuserisat-ni aningaasaliissutit, suliniut nutaaq nr. 40.093 Nuummi angerlarsimaffeqanngitsunut misileraanermik aaqqiissut 2022-mi 0,5 mio. kr.-nik annertusisinneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Naalakkersuisut inassuteqaataat Aningaasaqarnermut Ataatsimiititaliap ulloq 29. juuni ataatsimiinnermini misissorpai. Suliniutip imaraa Kommuneqarfik Sermersooq peqatigalugu misiliutitut aaqquissuussineq, tamatumani qitiutinneqassalluni Nuummi angerlarsimaffeqanngitsunut ”Housing first” tunngavigalugu suliniuteqarneq. Init attartortittakkat pingasut katillugit 15-inik initaqalersillugit allangortinneqarnissaasa pilersaarusiornissaannut aningaasaliissuteqarnissaq Naalakkersuisunit kissaatigineqarpoq. Aningaasaqarnermut Ataatsimiititaliaq ima apeqqutissaqarpoq:

1. Malitseqartitsissutitut suliniutinut sulisussanik kommuni tapeeqataassasooq isummernissamut tunngavissiami allassimavoq. Kommuni allanik tapiissava?
2. Angerlarsimaffeqanngitsut pillugit periusissamut aggersumut sanilliullugu suliniutit matumani pineqartut, Naalakkersuisunit maligassiuissasut allaaserineqartut, Naalakkersuisunit qanoq naliliiffigineqassappat?
 - a) Suliniutinut attuumassuteqartunut naammattunik aningaasasaqarnissaq Naalakkersuisunit Kommuneqarfik Sermersuumillu qanoq qulakkeerneqassava?
3. Kommunit peqatigalugit misileraanermik aaqquissuussinerit aqquutigalugit suliniutit matumani pineqartup sinerissami illoqarfinnut anginerusunut allanut siammartinneqarsinnaasooq Naalakkersuisut naliliippat?

Aningaasaqarnermut Akileraartarnermullu Ataatsimiititaliap aalajangiinera
Siuliani allassimasutut oqaaseqaateqarluni Naalakkersuisut inassuteqaataat Aningaasaqar-
nermut Akileraartarnermullu Ataatsimiititaliamit **akuersissutigineqarput.**

Inussiarnersumik inuulluaqqusillunga



Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua